

ԽՆՁ Է ԱՍՈՒՄ ԱՐՄԱՎԻՐՅԱՆ ԿՐԾՔԱՋԱՐԴԸ

ԱՍԱՏՈՒՐ ՄՆԱՑԱԿԱՆՅԱՆ

1963 թ. Արմավիրի պեղումներից հայտնաբերվեց ոսկյա մի մեծարժեք ու զոդտրիկ կրծքազարդ (пектораль. նկ. 1) և գիտական շրջանառության մեջ դրվեց հաղորդամամբ¹, ուսումնասիրություն², ինչպես նաև հայ հին մշակույթին նվիրված տարբեր առիթներով³։ Մասնագետները պարզեցին, որ այն մ. թ. ա. VI—V դդ. տեղական, այսինքն հայկական արտադրանք է՝ պատրաստված Զոդի հանքերի ոսկուց։ Սա սկզբնաղբյուրի արժեք ներկայացնող փաստ է հայ ժողովրդի կազմավորման ավարտի ու պետականության համար մղվող պայքարի ժամանակներից։ Այդ առումով էլ կրծքազարդը գրավեց մեր ուշագրությունը, մանավանդ, որ զարդարվեստադիտական տեսակետից այն դեռևս չի քննված։

Կրծքազարդի գլխավոր մոտիվը զույգ թռչունի գաղափարի վերարտադրությունն է։ Թռչունները պատկերված են միմյանց հակառակ դիրքով, ներկայացնելով մահիկի ձև։ Նրանց միջև և նրանցից ցած գտնվող զարդագաշտը լցված է կենաց ծառերի, եռանկյունիների և բողբոջ-ծաղիկների զարդաշղթաներով, որոնք համաշխարհային զարդարվեստի սիրված ու տարածված մոտիվներից են։ Նման դեպքերում դրանց երբեմնի իմաստի բացահայտումը դյուրին է դառնում, երբ հայտնվում են նախօրինակներ կամ նմանակներ։ Գ. Տիրացյանն արդեն նշել է այդպիսիք, սակայն նրա վկայակոչած բոլոր կրծքազարդերն էլ լուրջ մահիկաձև են, դուրկ՝ զույգ թռչունի գաղափարից։ Մեր որոնումները ցույց տվեցին, որ կան նաև թռչնա-մահիկաձև կրծքազարդեր։ Այդպիսիներից է, օրինակ, մ. թ. ա. XX դ. եգիպտական թագուհիներից մեկի կրծքազարդը (նկ. 2)⁴, որն իր ընդհանուր տեսքով արմավիրյան կրծքազարդի ամենամեծավորն է։ Այստեղ էլ պատկերված են հակադիր կողմեր նայող և պոչերով միմյանց դարձած երկու թռչուններ, որոնց միջև ընկած ողջ տարածությունը ծածկված է տարբեր զարդաշարքերով։ Սրա ստորին շարքի միավորները ևս բուսական են (բողբոջներ կամ կենաց ծառեր)։

Արդ, եթե պարզենք եգիպտական կրծքազարդի արտահայտած երբեմնի իմաստը, ապա դյուրին կլինի խոսել նաև արմավիրյան կրծքազարդի իմաս-

1. Б. Н. Аракелян, А. А. Мартиросян, Археологическое изучение Армении за годы Советской власти («Советская археология», 1967, № 4, էջ 40)։


2. Г. А. Тирация, Золотая пектораль из Армавира («Советская археология», 1968, № 4, էջ 190—198)։

3. Г. А. Тирация, К вопросу о торевтике и ювелирном деле Армении в ахеменидское время («Պատմա-բանասիրական հանգես», 1969, № 1, էջ 87—106)։ «Հայ ժողովրդի պատմություն», հ. I, 1971, էջ 475—476, Б. Н. Аракелян, Очерки истории искусства древней Армении, Ереван, 1976, էջ 57—58, տախտ. LXV, գունավոր տախտ. II։

4. «Памятники мирового искусства», М., 1958, էջ 20, նկ. 63բ։

տի մասին: Հարցի այս կողմին անդրադառնալուց առաջ նկատենք, որ մ. թ. ա. VIII—VI դդ. եգիպտական արվեստի ու զարդարանքի նմուշների և նրանց նմանակները տարածված են եղել նաև Հայաստանում: Այդպիսիք գտնվել են, օրինակ, Վանում, Անիում, Կարմիր բլուրում և հենց Արմավիրում⁶:

Այն հանգամանքը, որ եգիպտական վերոհիշյալ կրճազարդը պատկանել է թագունու, օգտագործվել է պետական-քրմական գործիչների միջավայրում, միանգամայն բավարար է կարծելու, որ այն, ի դեմս թուրքների, պիտի արտահայտած լիներ պաշտամունքային ըմբռնումներ: Այս առումով



Նկ. 1.

առավել խոստան է եգիպտական Սենուսերտ II փարավոնի (մ. թ. ա. XIX դ.) կրճազարդը (Նկ. 3)⁶: Այստեղ արդեն զույգ թուրքները թագակիր են և կանգնած են երկնային սրբազան բզեզի (սկարաբեյի) երկու կողմերում: Հետաքրքրական է նաև Թուֆանհամոնի կրճազարդը (մ. թ. ա. XIV դ.), ուր ոմանց կարծիքով պատկերված է բազե, որը խորհրդանշել է նեկաբիտ աստվածուն⁷, իսկ ուրիշների կարծիքով՝ ցին, արտահայտելով նեխերտ աստվածունու գաղափարը⁸:

Այս և այլ փաստերից անտարակուսելի է արմավիրյան կրճազարդին համապատասխանող եգիպտական թագունու վերոհիշյալ (մ. թ. ա. XX դ.)

⁶ Б. Б. Пиотровский, Древнеегипетские предметы («Советская археология», 1958, № 1, էջ 20—27).

⁷ «Памятники мирового искусства», Նկ. 63ա:

⁸ Նույն տեղում, Նկ. 127բ:

⁸ «Сокровища гробницы Тутанхамона» (каталог выставки), М., 1973, 28-րդ նկարի բացատրությունը:

կրծքազարդի թռչունների պաշտամունքային իմաստը ևս Որոնումները ցույց են տալիս, որ նման դեպքերում հաճախ նկատի են առնվել՝ եգիպտական աստվածուհիների իզիդան և Նեֆտիդան։ Առաջինն Օզիրիսի կինն էր, իսկ երկրորդը՝ նրա եղբոր՝ Սեթի կինը։ Իրականում, սակայն, Նեֆտիդան Օզիրիսի «սիրուհին» էր, որից էլ ծնվեց Անուբիսը։ Երբ Սեթն սպանում է Օզիրիսին և դիակը կորցնում, այն որոնելու են ելնում և՛ իզիդան, և՛ Նեֆտիդան։ Հստ պահպանված հիմնի, Օզիրիսի դիակը գտնելիս՝

Մոտենում է իզիդան,
Մոտենում է Նեֆտիդան,
Մեկը՝ աջից,
Մեկը՝ ձախից,
Մեկը խատ թռչունի կերպարանքով,
Մյուսը էգ բազբի տեսքով...
Մոտենում է խատ թռչունը,
Մոտենում է էգ բազեն,
Նրանք իզիդան և Նեֆտիդան են...
Ողբա՛ քո եղբորը, իզիդա՛,
Ողբա՛ քո եղբորը, Նեֆտիդա՛...⁹

Հիմնի այս մասին համապատասխանող քանդակում պատկերված է Օզիրիսի դիակը, ուր իզիդայի և Նեֆտիդայի փոխարեն, նրա ոտքերի և գլխի մոտ, կանգնած են մեկական թռչուն (նկ. 4)¹⁰։ Այս առումով ուշագրավ է նաև մ. թ. ա. 312—311 թթ. ընդօրինակված ծխական բնագիրը, որտեղ Օզիրիսի տաճարում կատարվելիք արարողության հրահանգը սկսվում է հետևյալ տողերով. «Երկու էգ բազեների («*ծօցխ соколицы*») տոնական երգի սկիզբը...»։ Ապա նկարագրվում է, թե ինչպես երկու կույս աղջիկներ բերվում են տաճար, որպեսզի նրանք Օզիրիսի առջև¹¹ ներկայացնեն իզիդա և Նեֆտիդա աստվածուհիներին։ Համանման փաստերից տեղին է հիշել գահավորակի վրա պառկած Թուֆանհամոնի փայտյա արձանիկը։ Նրա ձախ կողմում դրված է մարդագլուխ թռչունի, իսկ աջ կողմում՝ բազբի արձանիկ, որոնք իրենց մեկական թևերը տարածել են Թուֆանհամոնի դիակի վրա¹²։ Հասկանալի է, որ այստեղ փարավոն-Օզիրիսին անդրշիրիֆյան կյանքում հովանավորողների դերում նկատի են առնված կամ դարձյալ իզիդան ու Նեֆտիդան, կամ ուրիշ աստվածուհիներ։ Ուշագրավ է, որ դագաղներից մեկում գտնվել են նույն դագաղափարն արտահայտող շորս աստվածուհիների (Իզիդա, Նեֆտիդա, Նեյտ, Սերկետ) արձանիկներ ու պատկերներ¹³։ Զույգ բազենների մոտիվը կա նաև

⁹ М. Э. Матъе, Древнеегипетские мифы, М.—Л., 1956, էջ 94։ Հստ առաջապելի Նեֆտիդան բնության շար ուժերի խորհուրդն արտահայտող Սեթի ամուկ կինն էր, որը տենչում էր Օզիրիսին, ինչպես իզիդան։ Իրավացիորեն նկատված է, որ Նեֆտիդան, որը Օզիրիսից զավակ է ունենում, երաշտից չորացող երկրի խորհուրդն ունի և իզիդայի երկվորյակ կամ լրացումն է (Архимандрит Хрисанов, Религии древнего мира, СПб., 1875, էջ 63)։


¹⁰ М. Э. Матъе, նշվ. աշխ., էջ 144։

¹¹ Նույն տեղում, նաև՝ В. И. Авдеев, История древнего Востока, М., 1953, էջ 300։

¹² «Сокровища гробницы Тутанхамона», նկ. 16-ի բացատրության մոտ։

¹³ Նույն տեղում, նկ. 13-ի բացատրությունը։

Թութանհամոնի կրճազարդի ժապավենների ծայրերին¹⁴։ Հիշատակության արժանի է նրա մի այլ կրճազարդը՝ սրբազան նավակով, արևային բզեզի պատկերներով և մեկական ուրուներով ավարտվող ժապավեններով¹⁵։ Այսպիսով, վկայակոչված փաստերը անտարակուսելի են դարձնում եգիպտական թռչնապատկեր կրճազարդերի կապը աստվածուհիների գաղափարի հետ։ Ուրբան էլ գրանցում ենթադրվեն որոշ շեղումներ, այնուամենայնիվ, դիցաբանական հիմնական ոգին մնում է նույնը։ Ահա այդպիսի թռչնապատկերներ են մարմնավորված նաև արմավիրյան կրճազարդի մոտիվներում



Նկ. 2.

և նրանց հորինվածքում։ Բայց հենց այստեղ էլ առաջանում է մի նոր հարց՝ արդյոք արմավիրյան կրճազարդը եգիպտական ծագում չունի, կամ համապատասխան նմանակ չէ, թե՞ այն ստեղծվել է եգիպտական կրճազարդերի

¹⁴ Նույն տեղում, նկ. 28-ի բացատրությունը։

¹⁵ Նույն տեղում, նկ. 33-ի բացատրությունը։ Եգիպտական արևային բզեզների վերարտադրության օրինակներ գտնվել են նաև հին Հայաստանում (Բ. Բ. Пиотровский, նշվ. աշխ.)։ Թերևս տեղում նրա մասին եղել են որոշ պատկերացումներ, որոնց արձագանքը նկատելի է Ներսես Շնորհալու հանելուկներում։

Ի վեցից վերացեալ

Եւ ի չորից թուացեալ,

Գայր ընդ ամպս երկնից շառաչելով.

Միրանազգեստիւք պճնեալ

Եւ զանգեալն առ ճանապարհան բազկան թաւալեցուցանէր,

Եւ ոչ ոք գիտէր,

Ուտի՞ դա, կամ յո՞ երթաւ։

(Մաշտոցի անվան Մատենադարան, ձեռ. № 2962, 8652)։

մոտիվների օգտագործմամբ, բայց կապված է տեղական պատկերաբանների հետ: Տեսականորեն հավանական են և՛ մեկը, և՛ մյուսը: Եթե այն /-ի պատկան արտադրության կամ եգիպտական կրճազարդերի նմանակ է, ապա նրա մոտավոր նշանակությունն արդեն պարզ է: Իսկ եթե եգիպտական մոտիվների օգտագործմամբ ստեղծված տեղական, ազգային կրճազարդ է, ապա այն կարող է հատուկ բացատրություն:

Անդրադառնալով հարցի այս կողմին, նկատենք, որ նման կրճազարդեր, ինչպես նշել է Գ. Տիրադյանը, օգտագործվում էին վանի թաղամասերի շրջանի Հայաստանում աստվածությունների արձանների վրա: Սա հնքնին հավաստում է, որ դրանք ունեցել են տեղական նշանակություն: Հետևաբար, արմավիրյան կրճազարդն էլ կարող էր նմանվել եգիպտականներին, մասամբ՝ մեդականներին և աֆամենյաններին, սակայն ունենալ տեղական հիմք ու նշանակություն: Նման դեպքերում հիշատակված նմանությունները, անկախ փոխազդեցություններից և անգամ փոխառություններից, կարևոր նշանակություն չունեն: Էականը նրանց արտահայտած զաղապարակուն բովանդակությունն է: Կարծել, թե այդ կրճազարդերը Հայաստանում սոսկ բարի ու խորհրդավոր, ուստի և սիրված ու տարածված, հմայիլներ էին, նշանակում է շրջանցել նրանց բուն էությունը: Դրանք իրենց պատկերած մոտիվներով կապված էին ժամանակի պաշտամունքային զորեղ րմբռնումների հետ, և նրանց կրողները կամ ստեղծողները գիտեին, թե ինչ հավատալիքների էին հետևում իրենք:


Ասացինք, որ եգիպտական կրճազարդերը խորհրդանշել են Օդիթիս աստծու, նրա կնոջ՝ Իզիդայի և Նեֆտիդայի պաշտամունքը: Իսկ, ինչպես հայտնի է, սրանք բոլորն էլ մեռնող ու հարություն առնող դեղիսեանական հերոսների արտահայտություններն էին: Միջազեպեում այս առումով հայտնի էր Թամմուզի և Իշտարի առասպելը: Հայ իրականության մեջ համապատասխան պաշտամունքի և ըմբռնումների հենքը Արա Գեղեցիկի, Շամիրամի, Աստղիկի ու Անահիտի շուրջ ստեղծված զրույցներն էին¹⁶: Աստեղից միակ հավանական ենթադրությունն այն է, որ արմավիրյան կրճազարդի հիմքում ընկած պատկերացումները տեղական են և հիշյալ աստվածությունների պաշտամունքի արդյունք: Խնդրին այսպես մոտենալով, չենք կարող չհիշել այն առասպելը, որի համաձայն Արա Գեղեցիկի հաջորդը (թողը)՝ Անուշավան Սոսանվերն ապրում և գործում էր հենց Արմավիրում¹⁷: Արմավիրում էր, որ հին հայերը պաշտում էին նաև Անահիտին: Նկատենք, որ Արա Գեղեցիկն էլ կապված էր զույգ աստվածուհիների՝ իր կնոջ՝ Նվարդի և սիրուհու՝ Շամիրամի հետ: Հնարավոր է, որ արմավիրյան կրճազարդի ստեղծման ժամանակ տեղի աստվածուհիները փոխված լինեին, բայց առասպելի առաջնորդ չէր կարող փոխվել, որովհետև Եգիպտոսից մինչև Հայաստան և ավելի հեռուները իշխում էին երկրագործական զբաղմունքն ու պատկերացումները՝ կապված մեռնող ու հարություն առնող աստվածությունների գիցաբանությունների հետ:

Ուշագրավ է, որ Գ. Տիրացյանի հավաստմամբ արմավիրյան կրճազարդի վրայի թռչունները աղավնիներ են: Մեր կարծիքով դա ճիշտ է և համահե-

¹⁶ Գ. Ղափանցյան, Արա Գեղեցիկի պաշտամունքը, Երևան, 1944:

¹⁷ «Մոմիսիսի և որսնացույ Պատմութիւն հայոց», Տփղիս, 1913. էջ 63—64:

նում է այն փաստերին, որոնց համաձայն Հայաստանում ևս աղավինները (կապված Շամիրամի, Աստղիկի, Անահիտի հետ) պաշտվել են¹⁸։ Աղավիններն են նաև միջադեպյան սիրո ու պտղաբերության աստվածուհիների (Իշտարի, Աստարտայի, Կիբելայի) խորհրդանշանները¹⁹։ Առասպելները վկայում են, որ Արմավիրից ոչ հեռու, այժմյան էջմիածնի և Քասախ գետի մոտակայքում մ. թ. ա. VI դ. գտնվել է հայոց Արտիմեդ մայրաքաղաքը։ Մենք մի այլ առիթով նշել ենք, որ Արտիմեդ անունը կարող է կապվել կամ Արտեմիսի, կամ այլ հասկացությունների հետ²⁰։ Մեր նոր որոնումները հիմք



Նկ. 3.

են տալիս պնդելու, որ այստեղ Արտիմեդը, իրոք, Արտեմիսն է, այսինքն, Անահիտը։ Տեղին է վերստին հիշել նույն առասպելների վկայած հայոց մայր աստվածուհուն, որն Արմավիրից ոչ հեռու, Արարատի գագաթին ծնում է երեք դյուցազուններ²¹։ Ըստ երևույթին, այստեղ էլ խոսքը Անահիտի մասին է։ Վերջին տարիների պեղումներից Արմավիրում հայտնվել է երեխան գրկին մի աստվածուհու արձանիկ։ Բ. Առաքելյանի կարծիքով այն Անահիտ աստվածուհու արձանիկն է²², որի ճշմարտությունն այժմ առավել ևս համոզիչ է դառնում։ Հետաքրքրական է, որ եգիպտական Իզիդա աստվածուհին նույնպես պատկերվել է մանուկ Գորը գրկին²³։

Քննվող հարցերի խմբին է պատկանում նաև Արմավիրում գտնված խնկամանը (курильница), որի վերևի մասում պատկերված է մի թռչուն,

18 Գ. Ղափանցյան, նշվ. աշխ., էջ 26—27 և 135։

19 Նույն տեղում։

20 Պատմա-բանասիրական հանգես, 1975, № 2, էջ 215—232։

21 Մովսես Խորենացի, էջ 75—76։

22 Բ. Н. Аракелян, նշվ. աշխ., էջ 74—76, տախտ. LXXXVI։

23 М. Э. Матье, նշվ. աշխ., տախտ. XIII և XXVIII։

իսկ գոտեզարդի վրա՝ եղջերուներ²⁴, Միսական նպատակ ու դիցաբանական իմաստ ունեցող այս առարկայի վրայի եղջերուները հուշում են Անահիտի պաշտամունքի արձագանքը տեսնել նաև այստեղ, որովհետև Անահիտ-Արտեմիսի ամենագլխավոր խորհրդանիշը եղել է եղջերուն։ Այդ աստվածուհին միաժամանակ համարվում էր որսի ու որսորդության հովանավորը։ Ինչ վերաբերում է թռչունին, ապա այն կարող է աղավնի լինել՝ կապված քննվող զարդամոտիվի հետ, կամ արև խորհրդանշող արծիվ՝ ինչպես ենթադրել է Բ. Առաքելյանը²⁵։

Վերջերս իշխանում (Աստղի բլուր) կատարված պեղումների ժամանակ գտնվեց բացառիկ նշանակություն ունեցող բրոնզյա մի գոտի՝ որսի տեսարանով²⁶։ Գոտեզարդի մի ծայրում պատկերված է ձագուկին կերակրող մայր եղջերուն, մյուսում՝ հայր եղջերուն, իսկ քառաձի մարտակառքերը վարում են երիտասարդ կանայք։ Հովանավորվում են մայր ու ձագուկ եղջերուները, նետահարվում է արուն։ Ուշագրավ է, որ այդ գործողությանը մասնակցում են երկու թռչուններ, որոնցից մեկը ակնհայտորեն մայր եղջերուին պաշտպանում է նետահարողներից, իսկ մյուսը ուղղված է դեպի հայր եղջերուն և չի պաշտպանում նրան։ Ինչպես ցույց է տալիս քննությունը, այս և նման այլ տեսարաններում կանայք արտահայտում են աստվածուհու գաղափար, իսկ թռչունները՝ նրանց խորհրդանշաններն են։ Ծվ քանի որ դիցաբանության համաձայն որսի ու որսորդության հովանավորը համարվել է Անահիտը, ուստի պետք է ենթադրել, որ այստեղ էլ, ի գեմա քառաձի կառքերը վարողների, կարող էր նկատի առնված լինել նրա վաղեմի կերպարը։ Այս կարծիքը փաստարկվում է նաև Անահիտին Հայաստանում փոխարինած և նրա ավանդներով ներկայացվող քրիստոնեական աստվածամոր մասին եղած տեղեկություններով²⁷։

Անահիտի պաշտամունքի առումով առանձնակի հետաքրքրական է էրզրումից գտնված մայր եղջերուի գաղափարաձևով պայակը (ռիտոն)²⁸։

Արմավիրյան կրծքազարդի ընդհանուր ձևը պայմանավորված է լուսնի պաշտամունքով։ Այն, ինչպես նշվեց, մահիկաձև է և արդյունք՝ ոչ թե զույգ թռչունների մեխանիկական համադրության, այլ որոշակի միտումի։ Գ. Տիրացյանը «մահիկաձև» է կոչում արմավիրյան²⁹ և համապատասխան ձևի մյուս կրծքազարդերը։ Հայտնի է, որ լուսնի և առհասարակ երկնային մարմինների կապակցված պաշտամունքը նույնպես երկրագործության, ոռոգումների և մեռնող ու հարուստ առնող աստվածությունների պաշտամունքային ամբողջությանն է պատկանում։ Ծգիպտական հին պատկերացում-

²⁴ Б. Н. Аракелян, *նշվ. աշխ.*, էջ 73, տախտ. LXXX:

²⁵ Նույն տեղում:

²⁶ С. А. Есаян, Древняя культура племен северо-восточной Армении, Ереван, 1976, նկ. 157, էջ 244—245:

²⁷ Այդ հարցի վերաբերյալ մեր ուսումնասիրությունը գտնվում է տպագրության ընթացքի մեջ։ Մեզ հետաքրքրող տեսարանների հետ պիտի կապել նաև Հայաստանում գտնված մի քանի տուփի զարդատեսարանը՝ եղջերուով ու թռչունով, որը Բ. Պիոտրովսկու կարծիքով ուրարտական համարել չի կարելի (Б. Б. Пиотровский, Искусство Урарту, 1962, էջ 104, նկ. 68):


²⁸ Б. Н. Аракелян, *նշվ. աշխ.*, տախտ. LIV:

²⁹ «Հայ գորգարդի պատմություն», հ. I, էջ 476, նկարը՝ 475-րդ էջում:

ների համաձայն լուսինը ևս համարվել է Օզիրիսի խորհրդանշանը: Այսպես են դիմել Օզիրիսին.

Դու լուսինն ես, որ գտնվում է երկնքում,
Դու պատանեկանում ես, երբ ցանկանում ես ինքդ,
Դու դառնում ես երիտասարդ, երբ ուզում ես ինքդ,
Եվ դու ես նեզոսը՝ իր ամբերում՝ նոր տարվա սկզբին...³⁰

Այստեղից էլ հետևում է Օզիրիսի արձանիկի մահիկաձև ստեղծվելու հանգամանքը: Այս նույն դադափարն է ընկած նաև եգիպտական մահիկաձև կրճազարդերի, ուստի և արմավիրյան կրճազարդի աղբյուրականության հիմքում: Ուրարտական կրճազարդերը բոլորն էլ մահիկաձև են, բայց առավել ուշագրավ է այն օրինակը, որը չի հիշատակել Գ. Տիրացյանը: Սրա ծայրերից մեկի վրա պատկերված է մահիկ, իսկ մյուսի վրա՝ ութաթև աստղ (արև): Կրճազարդն ունի նաև սեպագիր աղոթք³¹: Ակնհայտ է, որ տվյալ ժամանակաշրջանում այդ կրճազարդերի տարածման սահմաններում պաշտվում էր նաև լուսինը, որի հետ կապված էր Շեխարդի աստվածության գաղափարը³²:



Նկ. 4.

Արմավիրյան կրճազարդի ուսումնասիրության առումով կարևոր նշանակություն ունեն նրա վրա պատկերված երեք կենաց ծառերը, բողբոջ-ծաղիկների շղթան և եռանկյունաձև զարդերը: Գ. Տիրացյանը, նշված ծառերին անդրադառնալիս, բավարարվել է միայն ուրարտական, ասորեստանյան, քեմենյան մշակույթներից վերցված համապատասխան օրինակների թվարկումով, հետևելով նրանց ստեղծման ձևի և տեխնիկայի հետ կապվող հարցերին: Մեզ մնում է նկատել, որ առհասարակ կենաց ծառերը երկրագործական իմացությունների և պատկերացումների ամենատարողունակ ընդհանրացումների արտահայտությունը հանդիսացան: Նրանց միջոցով էին դրսևորվում բուսականդանական աշխարհների և բնության ուժերի միասնության, ինչպես նաև տոհմական նախնիների ու համապատասխան աստվածությունների հավերժական գոյության գաղափարները: Օզիրիսը համարվում էր ոչ միայն բուսական աշխարհի և հատկապես հացահատիկների ստեղծող, երկրագոր-

³⁰ М. Э. Матъе, *նշվ. աշխ.*, էջ 52:

³¹ Б. Б. Пиотровский, *Кармир-блур*, Ереван, 1950, էջ 77, նկ. 49:

³² Г. А. Меликишвили, *Урартские клинообразные надписи*, М., 1960, էջ 147: Այս առնչությամբ արժեքավոր է Անանիա Շիրակացու մի վկայությունը՝ օգտագործված Բ. Առաքելյանի նշված աշխատության մեջ (էջ 47—51):

ծության հիմնադիր, այլև ուղղակի կենաց ծառ: Հնագույն հիմքերից մեկն Օղիբիսին այսպես է դրվաթում.

Դու ավելի մեծ ես, քան բոլոր աստվածները...
Նեղոսը քո մարմնի հոսանքն է,
Որը կյանք է տալիս տերերին ու ժողովրդին.
Իշխան ուտելիքի, տե՛ր բուսականության,
Կենաց ծառ դու մեծ...³³

Մոտավորապես այսպես են պատկերվել երկրագործական մեռնող ու հա-
յություն առնող մյուս աստվածությունները ևս: Այդպիսին է նաև Արա Գե-
ղեցիկի մասին եղած պատկերացումը: Հայկական զարդարվեստի մոտիվ-
ներում իշխող կենաց ծառերի հազարավոր տարբերակները դրա լավագույն
ապացույցներն են: Քրիստոսն ինքն էլ հին աստվածների երկրագործական
բնավորությամբ օժտված աստվածություն էր ու կենաց ծառ: Նրա խաչը՝
եգիպտական կյանքի նշան կոչվող սիմվոլի տարատեսակն էր, համազոր
կենաց ծառի: Այս ամենից հետո դժվար չէ եզրակացնել, որ արմավիրյան
կրծքազարդի կենաց ծառերը, պատմա-գիցաբանական հասկացությունների
արտահայտություն լինելով, կապվում են Արա Գեղեցիկի պաշտամունքի
հետ՝ վերստին վկայվելով արմավիրյան կախարդական սոսիսների և Արայան
Անուշավանի Ստաճվե՛ր մականվամբ: Մեզ նույնիսկ թվում է, որ արմավի-
րյան կրծքազարդի կենաց ծառերի քանակը (երեք) հատուկ իմաստ է ար-
տահայտել:

Արմավիրյան կրծքազարդի մոտիվներից է բողբոջների և ծաղիկների
շղթան, որով ներքևից եզրափակվում է այն և ստանում արտակարգ ավարտ-
վածություն ու գեղեցկություն: Բողբոջ-ծաղիկների մոտիվները լինելով հնա-
գույն երկրագործ բնակչության կենսափորձի արդյունք, մի կողմից կապվում
էին համապատասխան գիտելիքների, իսկ մյուս կողմից՝ դիցաբանական
ընկալումների հետ: Նման շղթաների ծագումը նույնպես հին է: Դրանք տա-
րածված են եղել Միջագետքում, Եգիպտոսում և այլուր: Այս շղթաները հա-
մազոր են այն զարդաշղթաներին, ուր մեկընդմեջ զետեղված են միմյանց
հաջորդող սերմ-բույս, կոկոն-ծաղիկ, ձու-թռչուն և նման այլ մոտիվներ³⁴:
Հաճախ դրանք զուգորդվում են կենդանա-բուսական համապատասխան մո-
տիվների հաջորդականությամբ և բոլոր դեպքերում արտահայտում են միև-
նույն գաղափարը: Վերջինս կապված է մահվան և հարության երևույթի կամ
ծնողի ու զավակի հավերժատե դոյություն պատկերացումների հետ: Նման
շարքերը միաժամանակ խորհրդանշում են նաև պտղաբերության զաղափար:
Գ. Տիրացյանը այս զարդաշարքին ևս անդրադարձել է լոկ ձևի և կատարման
սիսիկկայի առումով վկայակոչելով ասորեստանյան, ուրարտական և արե-
մենյան զուգահեռներ:

³³ М. Э. М а т в е, նշվ. աշխ., էջ 96.

³⁴ Նման ձևերն, ի վերջո, դրսևորում են եգիպտական, միջագետքյան, հին արևելյան և
հայկական զարդարվեստներում տարածված ծնող-զույգի և զավակի գաղափարը (Ա. Շ. Մ ն ա-
ք ա կ ա ն յ ա ն, Հայկական զարդարվեստ, Երևան, 1955, էջ 209—250):

³⁵ Նույն տեղում, էջ 135—139, նաև «Древнерусское искусство», М., 1975, էջ 75.

Ինչ վերաբերվում է տեղական և ժամանակակից փաստերին, նշենք, որ այս առումով հատուկ նշանակություն է ստանում Երզնկայում գտնված մ. թ. ա. VI—IV դդ. գավաթի զարդաշարքը³⁶։ Այստեղ միմյանց են յաջորդում ծաղիկ-պտուղ միավորները՝ կազմելով արամվիրյան զարդաշարքի մի նոր տարբերակ։ Հետաքրքրական է, որ երկու հուշարձանների վրա էլ այդ շղթաները կազմված են 17-ական միավորներից։ Սա որոշ հիմք է տալիս այստեղ ես իմաստ որոնելու Համապատասխան շարք գոյություն ունի նաև նույն ժամանակներին պատկանող, Երզնկայում գտնված պոյակի (ուտոնի) վերին եզրերին³⁷։

Այսպիսով, հայկական քննվող զարդաշարքերի թիվը բավարար է նրանց հին ու տեղական ծագում վերագրելու համար։ Բ. Առաքելյանն իրավացիորեն այս առարկաների հիմքում տեսնում է «դարավոր ավանդույթներ»³⁸։

Արամվիրյան կրթագրողի վերջին մոտիվը եռանկյունիների շարքն է։ Իրենց ծագումով այդ ձևերը գալիս են զարդարվեստի ամենահին շերտերից և կապվում են մատնահյուսական աշխատանքների հետ։ Հետագայում է, որ դրանց հատուկ նշանակություն է վերագրվել։ Տվյալ դեպքում եռանկյունիները կատարում են զարդաշրջանակի դեր և, հավանաբար, ունեցել են կախարհական ցանկապատի նշանակություն։

Ուրեմն, արամվիրյան կրթագրողի լուսնաձևությունը, զույգ թռչունները, կենաց ծառերը, բողբոջ-ծաղիկները, եռանկյունիները թե՛ առանձին-առանձին և թե՛ հորինվածքային ամբողջության թուղթով դրսևորել են հատուկ գաղափար՝ կապված սիրո, արգասավորման և պտղաբերության դիցաբանության հետ։ Այդ դիցաբանության համար Հայաստանում վաղուց գոյություն ունեին երկրագործական զբաղմունքի հիմք և տեղական պատկերացումներից սերված գաղափարներ։ Բերված փաստերը համոզում են, որ արամվիրյան կրթագրողը, եգիպտական կրթագրողների նման, եղել է ժամանակի քաղաքական ու հոգևոր միջավայրի արդյունք։ Այն ենթադրում է արքունա-քրմական անպիսի գործիչների գոյություն, ինչպիսիք էին Երվանդ արքան, Տիգրան Երվանդյանը և 520-ական թվականների նրանց հաջորդները, որոնք ձգտում էին պետական անկախության։ Հստակ երևույթին քննվող կրթագրողը վաղ Երվանդունիների ժամանակների քրմական, գուցե և արքայական խորհրդանշանների արձագանքներից մեկն է եղել։ Այս ենթադրության օգտին են խոսում նաև Վանի թագավորության ժամանակների մարդագլուխ-առյուծաձև արձանի և կենաց ծառով հայտնի աստվածուհու արձանիկի պարանոցների կրթագրողները։ Բ. Առաքելյանն իրավացիորեն համանման կենաց ծառերի խմբին է դասում նաև Արճեշում գտնված Թեշուբ աստծու խնքատիպ տերևներով կենաց ծառը։ Նման ուշագրավ բազմաթիվ օրինակներ թվարկում է նաև Գ. Տիրացյանը։ Այստեղ իրավամբ կարելի է հիշել Մուսասիրի տաճարի ճակտոնի նույնանման կենաց ծառը, որի նմանությունը Արճեշի վերոհիշյալ տերևաձևերին նկատելի է նաև Բ. Պիոտրովսկին³⁹։

36 Б. Н. Аракелян, *նշվ. աշխ.*, էջ 53, տախտ. LXIV:

37 Նույն տեղում, էջ 36—37, տախտ. LIII:

38 Նույն տեղում, էջ 36:

39 Б. Б. Пиотровский, *Искусство Урарту*, էջ 96: Կենաց ծառի այդ ձևի առումով ուշագրավ է նաև Ուր-Նամույի պաշտամունքային կոթողի աստվածուհու և աստծու պատկերներով քանդակը (Н. Д. Флиттнер, *նշվ. աշխ.*, էջ 160): Բնականակների եգիպ-

Այս հարցի լուսաբանմանը նպաստում են վանի թագավորության կենաց ծառերի հետ պատկերվող զույգ էակները, որոնք, անկախ իրենց հիմքում ընկած դիցաբանական պատկերացումների մանրամասնություններից, պատկանում են երկրագործական նույն գաղափարներին՝ կապված մեռնող ու հարուստին առնող հատիկային աստվածությունների պատկերացումների հետ: Դրանք բոլորն էլ (այդ թվում նաև համապատասխան կրծքազարդերը) իրենց ժամանակների իշխող հայացքների արդյունք են: Այդպիսին է նաև արմավիրյան կրծքազարդը, որը, սակայն, իր մոտիվների մշակման նորաձևությամբ կապված է եղել նոր միջավայրի, նոր իրադարձությունների, այն է՝ ոտքի ելնող հայկական իրականության հետ:

Հասկանալի է, որ այդ կրծքազարդի գաղափարաձևերը, եթե իրոք տեղական արմատներ ունենին, պիտի պահպանվեին ու ձևափոխվելով գոյատևեին նաև հաջորդ ժամանակներում: Այդպես էլ եղել է: Դրա փայլուն ապացույցներն են Տիգրան Երկրորդ և Արտավազ Երկրորդ արքաների թագերի զարդանախշերը⁴⁰: Այստեղ էլ պատկերված են գլուխներով հակառակ կողմեր դարձած երկու թռչուններ, որոնց միջև ընկած տարածության վրա կենաց ծառի գաղափարն արտահայտված է վարդյակազարդով: Սա հիմնական գծերով արտահայտում է այն ընդհանուր գաղափարը, որն առկա է արմավիրյան կրծքազարդի տեսարանում, միայն թե այստեղ բուսական մոտիվները կըրճատված են: Այս և այլ փոփոխությունները բացատրվում են նրանց միջև եղած շուրջ կեսհազարամյա ժամանակամիջոցով և արվեստագիտական հնարաններով: Հիմնականն ու կարևորը այստեղ ավանդականության ակնբախությունն է: Մեր կարծիքով միանգամայն ճիշտ է Բ. Առաքելյանը, որ այդ դրամների երկրորդ երեսներին պատկերված աստվածուհիներին նույնացնում է Անահիտի հետ⁴¹:

Քննվող թագերի վրա պատկերված թռչունների և վարդյակի հորինվածքը զարմանալի հարազատությամբ գոյատևել է կանացի գլխազարդերի վրա ընդհուպ մինչև XIX դ.⁴²: Մ. թ. ա. VI—V դդ. հետո նաև միջնադարում, երբ արդեն խիստ ընդհանրացված ու իմաստափոխված էին հին զարդաձևերը, արմավիրյան ավանդները, ըստ երևույթին, յուրովի գոյատևում էին: Այս առումով ուշագրավ են, օրինակ, Սևանի փայտյա խոյակների հանդիպակաց դիցաբանական թռչունները, ինչպես նաև մանրանկարչական խորանների, կիսախորանների և լուսանցազարդերի զույգ թռչունները՝ կենաց ծառերի ու պտղաբերության գաղափարազարդերի հետ միասին: Դրանց մեջ, հավանաբար, զգալի տեղ են գրավել հայոց հին աստվածուհիները և մեռնող ու հարուստին առնող աստվածությունները: Բայց քանի որ դրանք շատ են հեռացել բուն հիմքից և վերահարմարեցվել Քրիստոսի ու քրիստոնեության որդեգրած մահվան և հարության գաղափարներին, խիստ դժվար է որոշակի

տական մշակույթից կարելի է առանձնացնել մ. թ. ա. IV դ. օրինակներից մեկը (Մ. Յ. Մատե, նշվ. աշխ., տախտ. XXIV):

⁴⁰ Խ. Ա. Մուշեղյան, Հայաստանի դրամական զանգերը, 1, Երևան, 1973, 48—49 էջերի միջև գտնվող ներդիրներում, իսկ նկարազարդությունը՝ 78—81-րդ էջերում: Համոզված ենք, որ եթե գտնվեին Արտաշես I-ի կամ Տիգրան I-ի խորհրդանշանները, ապա դրանք էլ կունենային համապատասխան ձև՝ զույգ թռչուններով:

⁴¹ Բ. II. Արաքելյան, նշվ. աշխ., էջ 62—66:

⁴² Ս. Лисициан, Старинные пляски и театральные представления армянского народа, т. I, Ереван, 1958, տախտ. XCIII:

փաստեր առանձնացնելը: Մանավանդ, որ քրիստոնեությունը մի նոր դուռ էր բացել ուրիշ ժողովուրդների ստեղծած համապատասխան մոտիվների առջև՝ դեպի ազգային մշակույթները:

Ամփոփելով մեր խոսքը արմավիրյան կրծքազարդի մասին, ասենք, որ այն ոչ միայն հայոց զարդարվեստի գլուխգործոցային հնագույն փաստերից մեկն է, այլև հայկական պատմա-առասպելական հիշատակները հին արևելյանը հետ յուրովի միացնող մի օղակ՝ կարոտ առավել հանգամանալից հետազոտության:

О ЧЕМ ГОВОРIT АРМАВИРСКАЯ ПЕКТОРАЛЬ

АСАТУР МНАЦАКАНЯН

Резюме

Найденная в 1963 г. в Армавире золотая пектораль относится к VI—V вв. до н. э. и принадлежит к образцам местной армянокой культуры. Мотивы, украшающие пектораль, до сих пор исследовались без учета египетских образцов, позволяющих раскрыть их идейное содержание. Рассмотрение форм узоров армавирской пекторали в связи с египетскими памятниками показывает, что в основе орнаментики, украшающей подобные пекторали (в смысловом отношении), лежали древние мифологические представления об умирающих и воскресающих божествах, связанные с развитием земледелия. Египетским Озирису, Изнде и Нефтиде в Армении соответствовали Ара Прекрасный, Нвард и Шамирам. Подобная композиция встречается на коронах армянских царей Тиграна II и Артавазда II, а также на других памятниках армянской культуры.